

Слѹжба преподобноисповѣднице Матроне (Власовой), инокине (7 ноября н.ст.)

На Гóсподи, воззва́х: стихи́ры, глас 8.

О, пресла́внаго чудесе́!/ Ёвина дщи избежа́ прѣлести змíевы,/ исповѣдница Матроно преподо́бная,/ ея́же лѣпота душе́вная/ Цѣркве Рѹсскія бысть украше́ние,/ та бо, страда́ния нивочто́же вменя́ющи,/ претерпе́ суди́ще беззако́нное./ Сего́ ра́ди на Стра́шнем Судѣ Христо́вом// ми́лостивая засту́пница нам бу́дет.

О, блаже́ннаго изволѣ́ния!/ Сомани́тида дре́вле проро́ка Бо́жия Елиссе́я почти́/ во дни отступле́ния Изра́иля от Бо́га,/ ты же, преподобноисповѣднице Матроно,/ во дни гонѣ́ния безбо́жнаго в земли́ на́шей,/ Христа́ небо́язненно испове́дала еси́/ и, по́слежде благоче́стно поживши,/ по́двиг твой в ми́ре сконча́ла еси́.// Сего́ ра́ди мо́лим тя спаст́ися душа́м на́шим.

О, премѹ́дрости ра́зума!/ Восхваля́ет Соломо́н женѹ́ мужелюби́вую,/ мы же вельми́ воспева́ем боголюби́вую,/ преподо́бную страда́лицу Матрону,/ сия́ бо, научѣ́на от Свята́го Ду́ха,/ Христа́ на суди́щи испове́даше/ и, ве́ру правосла́вную нелóжно храня́щи,/ врата́ми пра́вды в Ца́рство Небе́сное вни́де,// иде́же мо́лится спаст́ися душа́м на́шим.

О ве́лия благоче́стия си́ло!/ Па́вел хва́лит благочесті́вую женѹ́, наипа́че ублажа́ет де́вство Христа́ ра́ди,/ ты же, преподо́бная ма́ти Матроно,/ Небе́снаго Жениха́ возлюби́вши,/ вся кра́сная ми́ра оста́вила еси́/ и, я́ко ве́но, страда́ние и жити́е пра́ведное от Него́ прия́ла еси́./ Ны́не же с ли́ки му́дрых дев Христо́у предсто́йши// и мо́лишися спаст́ися душа́м на́шим.

Сла́ва, глас 3:

Божѣ́ственным ра́че́нием укрепля́ема,/ пучи́ну гонѣ́ний до́бле прешла́ еси́,/ преподо́бная Матроно достосла́вная,/ и к Све́ту Незаходи́мому, я́ко исповѣдница Христо́ва, возшла́ еси́,/ иде́же вку́пе с новомѹ́ченики и исповѣдники Росси́йскими мо́лишися,/ о́ еже сохра́нѣ́ти земно́му Оте́честву на́шему в Правосла́вии// и спаст́ися душа́м на́шим.

И ны́не, Богоро́дичен: Ка́ко не дивѣ́мся:

Вход. Прокі́мен дне. Чтѣ́ния 3 мученическая.

1. Пророчества Исаина чтение.

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сице глаголет Господь Бог, избавляяй вас, Святой Израилев.

2. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умерти, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумныя. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко

вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навыкните судии концов земли. Внушите держащие множества, и гордящиеся о народах язык. Яко дана есть от Господа держава вам, и сила от Вышняго.

На стихóвне стихíры, глас 4.

Дал еси́ крѣпость и силу/ боящейся Тебѣ, Гóсподи,/ преподобноисповѣднице Матроне,/ якоже дрѣвле святы́м жена́м,/ победити ви́димыя и неви́димыя враги́./ Тѣмже ны́не воспева́ют ю священни́цы Гóсподни,/ и велича́ют вси лю́дие земли́ Rúсския,/ яко претерпѣ гонѣния и заточѣния// вели́кия ра́ди сла́вы Твоея́.

Стих: Приве́дуться Царю́ дѣвы// в весѣлии и ра́довании.

Аще безúмнии тща́хуся/ угро́зами и лѣстию притво́рною/ течѣние твоѣ́ ко спасѣ́нию разорѣти,/ обаче преподо́бней ру́це к Бо́гу воздева́ющи,/ Амалѣ́ка мы́сленнаго победѣла еси́/ и, целому́дрія свещу́ елее́м исповѣ́дания уясни́вши,/ с му́дрыми дѣвами в невестник неизрече́нныя сла́вы возшла́ еси́,// страсотѣ́рпице Матроно преподо́бная.

Стих: Испове́мся Тебѣ́ в век, яко сотвори́л еси́,// и терплю́ имя Твое́.

Яко ла́стовица доброгласная,/ Цѣ́ркви на́шей вѣснѹ обновле́ния/ страда́нием за Христа́ возвести́ла еси́,/ богоблаже́нная ма́ти Матроно./ Ны́не же со гласом преподо́бных и всех новому́чеников Росси́йских/ Гóспода прѣ́сно прославля́еши/ и мо́лишися Ему́ усер́дно,/ мир и благодѣ́нствие Оте́честву на́шему дарова́ти// и душáм на́шим ве́лию мѣ́лость.

Сла́ва, глас 6:

Благода́ть Бо́жию невредѣ́му сохра́ньши/ страда́нием и исповѣ́данием,/ в ме́ру во́зраста исполне́ния Христо́ва дости́гла еси́,/ богому́драя ма́ти Матроно,/ и, яко пше́ница до́брая на нѣ́ве Росси́йстей взращѣ́нная,/ от жити́я претру́днаго в Небе́сныя жи́тницы собрана́ бысть./ Тѣмже, Бо́гу ны́не предсто́ящи,// моли́ о ве́рою и любóвию чту́щих тя.

И ны́не, Богоро́дичен: Творе́ц и Изба́витель:

Тропарь, глас 3:

Ско́рби, гоне́ния, боле́зни мно́гия в годи́ну лю́тых испытáний претерпéвшая/ и véрою твёрдою пёрвым мучеником христиáнским уподобившись,/ преподобноисповеднице Матро́но, /моли́ся ко Го́споду// о спасéнии ду́ш на́ших.

НА УТРЕНИ

По стихослóвии седа́лен, глас 3:

Кто не подивíтся благоразúмию твоёмú, досточúдная ма́ти Матроно,/ я́ко Го́споду неотстúпно послéдовала еси́ и, о спасéнии души́ твоея́ Того́ усérдно умоля́ющи,/ крéпость на гонíteли Цérкве Рýсския обрела́ еси́./ Сего́ ра́ди ева́нгельски вопи́ем ти:/ о жéно, véра твоя́ спасé тя.

Сла́ва, и ны́не, Богоро́дичен:

Тя, ходáтайствовавшую спасéние рóда на́шего,/ воспева́ем, Богоро́дице Дéво,/ плóтию бо, от Тебе́ восприя́тою, Сын Твой и Бог наш,/ Кресто́м воспри́им Страсть,/ изба́ви нас от тли, я́ко Человеколю́бец.

Велича́ние:

Велича́ем тя,/ преподобноисповéднице Матроно,/ и чтим святúю па́мять твою́,/ ты бо мо́лиши за нас// Христа́ Бо́га на́шего.

Псалóм избрáнный:

1-й лик: Терпя́ потерпéх Го́спода, и внят ми, и услы́ша мо́литву мою́.

2-й лик: Поста́ви на ка́мени но́зе мой и испра́ви стопы́ моя́.

1-й лик: Смиря́х постóм ду́шу мою́.

По полиелéи седа́лен, глас 1:

Я́ко жена́ ева́нгельская заквáску в три ме́ры муки́ вложи́,/ та́ко ты, достохва́льная, исповéданием véры Правосла́вныя/ трича́стное души́ твоея́ освяти́ла еси́:/ ра́зум и́стиною Христо́вою,/ желáния во́лею Бо́жиею,/ чу́вствия же любóвию ко Го́споду,/ и сими́ и́же на Цérковь Рýсскую ополч́ившись/ посрами́ла еси́, преподобноисповéднице Матроно.

Сла́ва, и ны́не, Богоро́дичен:

О Держа́вная Всеца́рице,/ преподо́бных наде́ждо, му́чеников крѣпосте,/ А́нгелов сла́во, челове́ков покрóве/ и всего́ ми́ра всемо́щная Засту́пнице,/ изба́ви Це́рковь Ру́сскую вся́каго злаго́ обстоя́ния,/ еди́на Чи́стая и Благослове́нная.

Степе́нна, 1-й антифо́н 4-го гласа. **Прокі́мен, глас 4: Ді́вен Бог во святы́х Свои́х, // Бог Изра́илев.** Стих: В це́рквах благослови́те Бо́га, Го́спода от исто́чник Изра́илевых. Вся́кое дыха́ние: Ева́нгелие от Матфе́я, зача́ло 104.

По 50-м псалме́ стихі́ра, глас 6:

Днесь неvěста Христо́ва,/ страсотѣрпица Матроно сла́вная,/ крове́ми му́ченическими украше́нная,/ я́ко голу́бица крѣ́ткая,/ криле́ поста́ и моли́твы иму́щая,/ в черто́г Небе́снаго Жени́ха возлетѣ́вши,/ с ли́ки святы́х новому́чеников Росси́йских/ Престо́лу Бо́жию предстои́т// и сла́вит Превѣ́чнаго Бо́га.

Кано́н, Глас 8.

Песнь 1

Ирмо́с: Пои́м Го́сподеви,/ провед́шему лю́ди Сво́я сквозѣ́ Чермное́ мо́ре, // я́ко Еди́н сла́вно просла́вился.

Приими́ пѣ́ние, Матроно благосла́вная,/ цвѣ́те благоуха́нный Це́ркве Ру́сския,/ от почита́ющих любѣ́вию по́стническа и испове́дническа по́двиги тво́я.

Ревно́стию по Бо́зе/ стремле́ния богоху́льная в Ру́сстей земли́ посрами́ла еси́/ и гоні́тели безбо́жныя испове́данием ве́ры обличи́ла еси́, сла́вная Матроно.

Изуши́вши постомъ́ страсте́й мо́ре,/ твѣ́рдою ве́рою стезю́ испове́дничества безбе́дно прешла́ еси́/ и в Небе́сных селе́ниях водвори́лася еси́, Матроно богоблаже́нная.

Богоро́дичен: Тебе́ Предста́тельницу иму́щую, Пречи́стая,/ сла́вныя жены́, постомъ́ и терпе́нием змие́ву держа́ву сокруши́вшия,/ сла́ву Небе́сную обрето́ша.

Песнь 3

Ирмос: Ты еси Утверждение/ притекающих к Тебе, Господи,/ Ты еси Свет омраченных,// и поёт Тя дух мой.

Веры Православныя щит восприёмши,/ и одеждою целомудрия облékшися, мáти Матроно,/ кóзни диáвола, на тя устремлённыя,/ мýжественно отразíла еси.

Евáнгельских заповедей исполнительница и Правослáвия ревнительница,/ неvéста чíстая Христú Богу и украшéние землí нáшея явíлася еси,/ исповéднице Матроно, дóблестная мáти.

Дóблественне Богу рабóтавши,/ плоть распяла еси со страстьми и похотьми/ и душí твоея, мáти Матроно,/ любвё ради Христóвы не пощади́ла еси.

Богорóдичен: Тебе, Богородительнице, честныя жены предстояща, славу воздаёт,/ пощёнием крёпко подвизáвшыся/ и мýжественне врагá низложившыя.

Седáлен, глас 4:

Украсíвши дýшу твою́ красото́ю крóткого и молчали́ваго дýха,/ устá же исповéданием véры освятíвши,/ Краснéйшему добрóтою, пáче сынóв человéческих, предстáла еси,/ за Русь многострадáльную моля́щися,/ преподобноисповéднице Матроно честнáя.

Слáва, и нýне, Богорóдичен:

От Áнны прáведныя процвётши, Дéво,/ родилá еси Царя́ Христá и рáдость рóду человéческому даровáла еси./ Сего́ рáди рождествú Твоемú сра́дуются благочестíвых жен сослóвие землí нáшея,/ кóзни гонíтелей сла́вно препобедíвшия.

Песнь 4

Ирмос: Услýшах, Господи,/ смотре́ния Твоего́ та́инство,/ разуме́х дела́ Твоя́// и прослáвих Твоё Божество́.

Ум вперівши к Бóгу,/ Амаліка зломы́сленнаго моли́твою победи́ла еси́, ма́ти Матроно,/ и, я́ко испове́дница сла́вная, страда́ния за Христа́ претерпе́ла еси́.

Тве́рдость ве́ры Правосла́вныя показáвши, преподо́бная ма́ти Матроно,/ гоне́ния, у́зы темни́чныя и го́рькия рабо́ты претерпе́ла еси́,/ си́лою Креста́ Христо́ва укрепля́ема.

Страсте́й безобра́зия совлéкшись, сла́вная,/ по́двиг чистоты́ и целому́дрия яви́ла еси́/ и, а́нгельский о́браз воспри́ймши,/ страда́нием Христу́ Бóгу сочета́лася еси́.

Богоро́дичен: Богома́ти Пречи́стая,/ Госпо́дь от Тебе́ неизрече́нно плоть при́ят,/ сего́ ра́ди жен естество́, иногда́ под кля́твою б́ывшее, ны́не возвели́чися.

Песнь 5

Ирмо́с: У́треннююще, вопи́ем Ти:/ Го́споди, спаси́ ны,/ Ты бо еси́ Бог наш,// ра́зве Тебе́ ино́го не ве́мы.

Я́ко сокро́вище многоце́нное, спасе́ния усер́дно взыску́ючи, преподо́бная ма́ти,/ Христу́ усер́дно послédовала еси́/ и крест страда́ния му́жественне подъя́ла еси́.

Ца́рства Небе́снаго возжелéвши, досточу́дная Матроно,/ ду́шу твою́ покая́нием очи́стила еси́/ и по́двиги страда́ния терпели́вно подъя́ла еси́.

А́нгели светно́снии дивя́щиеся терпе́нию твоemú, ма́ти сла́вная,/ ду́шу твою́, благода́тию освяще́нную,/ Престо́лу Го́спода вы́шних Сил приве́дoша.

Богоро́дичен: Покро́в и Засту́пницу Тя иму́щая, Всечи́стая,/ жены́ благоче́тивыя земли́ на́шей во дни безбо́жия не отверго́шася Го́спода,/ о́баче, изгна́ния и страда́ния му́жественне претерпева́ющия,/ непобе́ждены пребы́ша.

Песнь 6

Ирмо́с: Ри́зу мне пода́ждь све́тлу,/ одея́йся све́том, я́ко ри́зою,// Многоми́лостиве Христé Бóже наш.

Різу плотскаго мудрованія совлéкши воздержаніем и мучéнием, боголюбéзная Матроно,/ рíзу спасéния от Христá Бóга невестолéпно воспрíяла есí,/ тéмже во тьме безбóжия досточúдно в странé нáшей просíяла есí.

Юзы темнíчныя, глад и гонéния/ претерпéла есí мýжественне, преподобноисповéднице Матроно,/ тéмже óбраз вéры и благочéстия Россíйским женам явíла есí.

День и ночь простира́ла есí, исповéднице, преподóбней рúце тво́й к Бóгу,/ Едíному могу́щему сохранíти тя в напáстех,/ тéмже тя ублажа́ем.

Богорóдичен: Жены́ и дéвы, благочéстию поноша́ему в странé нáшей, постóм и страдáнием Гóсподу угоди́ша./ Нýне же непрестáнно мо́лятся Сы́ну Твоему́, Пречíстая,/ да утверди́тся в Правосла́вии Цérковь Рýсская.

Кондак, глас 6:

Дне́сь проро́чество преподóбнаго Серафíма испóлнися:/ мно́жество новомученик Престо́лу Бóжию со А́нгелы предстои́т,/ с нíмиже и преподобноисповедница Матро́на в Дивееве Небе́снем мо́лится непрестáнно о земно́м Оте́честве своéм.

Їкос:

Ка́ко воспойм тя, Цérкве Рýсския похвалу́, достоблаже́нная исповéднице преподóбная Матроно,/ от юности житéйская попечéния отрíнувшую/ и благо́ую часть и едíное на потре́бу избра́вшую,/ преподóбие пóдвигом зако́нным запечатлéвшую/ и страдáнием сло́во Христá Бóга нáшего испóлньшую,/ Їже увенча́ тя красотóю сла́вы нетлénныя.

Песнь 7

Ирмо́с: О́троцы евре́йстии в пещí/ попрáша пла́мень дерзновéнно/ и на ро́су огонь преложíша, вопи́юще:// благословéн есí, Гóсподи Бóже, во вéки.

Елéем благода́ти огонь любвé ко Христу́ распала́ющи,/ огня́ вéчнаго избéгла есí/ и, гонéния мучíтелей нивочто́же вменя́ющи,/ в черто́г к

Жениху Небесному возшла еси,/ преподобноисповеднице Матроно
славная.

Вавилони дщере окайнная мерзкое порождение,/ безбожию хотящее
передати землю Русскую,/ о камень исповедания твоего псаломски
разбила еси, преподобная мати Матроно.

Воздержания росю пламень страстей угасивши,/ исповеданием
веры востания богохульная сокрушила еси, достоблаженная мати,/ и
образ верным людем явила еси.

Богородичен: Яко Бога рождшую плотию, Пречистая,/ нравом
благочестным чтим Тя непрестанно/ вкупе с честными женами,/ постом
просиявшими и страданиями врага низложившими.

Песнь 8

Ирмос: Седмерицею пещь/ халдейский мучитель/ богочестивым
нейстовно разжже,/ силою же лучшею спасены сия видеи,/ Творцу и
Избавителю вопияше:/ отроцы, благословите,/ священницы, воспойте,/
людие, превозносите во вся веки.

Спасется жена чадородием, вещает апостол./ Ты же,
преподобноисповеднице Матроно, многия добродетели породивши,/ яко
лоза плодovitа, в вертограде Церкви Русския явилася еси/ и страданиями
твоими вино спасительное источила еси/ славящим о тебе Христа во
веки.

Любовию Христовою уязвившись,/ к исповеданию веры
устремилася еси, Матроно,/ и, чистоту душевную хранящи,/ страдание,
яко дар, Невестокрасителю душ принесла еси,/ превозносящи Его во
веки.

Евино преслушание, породившее смерть, присно помышляючи,
достославная Матроно,/ послушанием Христу миру умре,/ последи же и
исповеданием веры прослави Его./ Темже, на Небо возшедши,/ Троицу
Святую благословивши во веки.

Богорóдичен: С новомúченики и исповéдники Россíйскими, Пречíстая,/ и всéми святы́ми жена́ми/ умоли́ Еди́наго во святы́х почива́ющего/ сохра́нити зéмлю на́шу, славослóвящую Тя во вся ве́ки.

Песнь 9

Ирмо́с: Ужасéся о сем Не́бо,/ и землі удиви́шася концы́,/ я́ко Бог яви́ся челове́ком плóтски/ и чре́во Твое́ бысть пространнейшее Небéс./ Тем Тя Богорóдицу// А́нгелов и челове́к чинонача́лия велича́ют.

Да́ры Христу́ любóвию принесла́ еси́, преподобноисповéднице Матроно,/ моли́тву я́ко зláто, пощéние я́ко ливáн и страда́ние я́ко сми́рну./ Тем тя благочéстно велича́ем.

Еле́ем целомúдрия и исповéданием ве́ры преукра́шена,/ вся добра́ яви́лася еси́/ и Еди́ному Жениху́ обручи́лася еси́./ Егóже моли́ спаст́ся почита́ющим па́мять твою́, Матроно сла́вная.

Я́ко го́рлица пустыннолю́бная, превита́ющи в Го́рний Сио́н,/ от се́ти ловя́щих избáвилася еси́ Правосла́вною ве́рою, страда́лице честна́я,/ ви́димых и неви́димых враг посрамíвши./ Те́мже ты кúпно с а́нгельскими ли́ки почита́ем.

Богорóдичен: Тебе́, Всепéтую Влады́чицу,/ я́ко Всецари́цу, Христу́ Царю́ предстоя́щую,/ вку́пе с преподобноисповéдницею Матроно досто́йно велича́ем.

Свети́лен:

Ду́хом просвещáема, Матроно преподо́бная,/ исповéданием Христá возсия́ла еси́ в Це́ркви Ру́сстей./ Сего́ ра́ди све́том Небéсным чтúция тя озари́, ма́ти всехва́льная.

Сла́ва, и ны́не, Богорóдичен:

Войсти́нну, Богорóдице, Тя благодарственне велича́ем,/ Ты бо еси́ Ма́ти ро́да христиа́нского и Храни́тельница достоя́ния Твоего́, Це́ркве Россíйския,/ и возгла́вие ли́ка святы́х жен.

На хвалітех стихіры, глас 8.

О исповѣднице Матроно преподобная,/ ты все житіе твоѣ ввергла еси/ в сокровищницу Цѣркве Рѹсскія,/ яко вдовица две лѣпте,/ воздержаніем и страданіем,/ молитвою и чистотою,/ помышляючи, яко лучши праведнику малая,/ паче богатства многа грѣшному,// и ныне, яко мудрая дѣва, восхваляеши Господа.

О, преславнаго чудесѣ!/ Кровоточивая женѣ вѣрою иногда исцелися,/ ты же, честная Матроно,/ ўзы темничныя и страданія восприѣмши,/ твѣрым исповѣданіем вѣры Христовы/ гонителей посрамила еси/ и, яко женѣ, любящая Господа,/ достойно и праведно пожила еси,// тѣмже ты прославляем.

Тя, умершую міру изволѣніем/ и дѹшу за Христа не пощадевшую,/ воздвѣже Человеколюбец Господь,/ яко дочь Иаѣинову,/ к Небѣсней жѣзни и безсмертней трапѣзе,/ славная преподобноисповѣднице Матроно./ Тѣмже в Цѣркви Рѹсстей,/ яко дщѣри Сиѡни во вратѣх Иерусалима,// о тебѣ хвалы Богу возсылаем.

Слава, глас 4:

Слѣзы поѣстническія и страданія/ многою вѣрою и любовью Христу принесла еси,/ преподобноисповѣднице всечестная,/ и ныне дерзновѣніе имаши/ молити о прощѣнии грѣхов наших,/ просящи Православней Цѣркви утверждѣнія,/ Отѣчеству нашему благостоянія// и всем людем вѣлія милости.

И ныне, Богородичен, глас тойже:

Прѣзри на молѣнія Твоѣх рабъ, Всенепорѡчная,/ всякія скорби избавляючи зѣмлю Рѹсскую,/ дом Твой наречѣнную/ и кровью новомѹченик и исповѣдник освящѣнную./ Да не постыдимся, Владычице Державная, Тя призываючи,/ всех православных поможѣ,/ радости и покровѣ// и спасѣніе душ наших.

Славословіе великое. И отпѹст.

НА ЛИТУРГІИ

Блаженны от канѡна, пѣсни 3-я и 6-я.

Прокімен, глас 4: Бóже, дщѣри царѣй// в чѣсти Твоѣй. Стих: Приведутся Царю дѣвы вслед Ея.

Апóстол: послáние Петрóво 1, зачáло 59.

Аллилу́ия, глас 1: Ёскренняя Ея приведутся Тебѣ. Стих: Приведутся в весѣлии и рáдовании, введутся в храм Царѣв.

Евáнгелие от Лукі, зачáло 33.

Причáстен: В пáмять вѣчную б́удет прáведник:

Моли́тва

О всехвáльная преподобноисповѣднице Матроно, крóткая Христо́ва áгнице, земли Россійския цвѣте благоухáнный, избрáнная, непорóчная и дóбрая в женах! Ты, благое ѱго заповедей Господних терпеліво подьѣмши и ѱзвы Егó преподóбием носящи, любóвию послѣдовала еси́ Христу́; во дни же гонѣний на Цѣрковь Рýсскую м́ужественне во исповѣдании Правослáвныя вѣры пребыла еси́ и, житіе мона́шеское пóдвигом страдáния увенчáвши, в чертóг Небѣснаго Жениха́ возшла еси́. Тѣмже мо́лим тя, слáвная в женах исповѣднице: моли́ Цѣркви на́шей в м́ре и благодѣнствии пребывáти, странѣ же Россійстей непоколеб́имей в Правослáвии и м́ре сохран́итися и всех врагóв сокруш́ити; вѣрным, пóдвиг ѱночества вопри́мшим, во благочѣстии и послушáнии укреп́итися, в рѣвности по Бóзе не оскуде́вати и нерóпотным, бóдренным и благодарным всегда́ б́ити; нам же, любóвию тя почитáющим, испроси́ время́ на покая́ние, твѣрдость во исповѣдании вѣры ѱстинныя, заступлѣние от ко́зней вра́жиих и на Стра́шнем Судѣ предстоя́ние одесну́ю Гóспода на́шего Иис́уса Христа́, Ем́уже со Отцѣм и Святы́м Д́ухом подобáет всякая слáва, честь и поклонѣние, ны́не и пр́сно, и во вѣки веко́в. Ами́нь.